

مکتبہ اسلامیہ

۱۹ نجی سنہ

سنہ ۱۳۱۷

جزء، عدد : ۹۲





گریدك احوال عمومیه و تاریخیه سی

[مابعد عن جزؤ : ۹۰]



گریدلرک ازمئه قدیمده کی اعتقادات دیزه لرینه گنجیه، بونلر بر جوق معبودلره، با خصوص یوپیتره (مشری) حرمت و رعایت ایدرک آنک نامنه برخیلی معابد بنا وانشا ایتمشلردر . معابد مذکورده دن برنده یوپیترک غایت گوزل برهیکلی وضع ایدلمش اولوب، شوقدرکه بوهیکلده یوپیتر قولاقسز تصنیع ایدلمش ایدی . قولاقلری اولماسنک سببی دخی پلوتارق طرفدن حکایه اولنیدیغی وجهله یوپیتر، عمومک حاکمی اولسی حسبیه کیمسه نك افاداتی استماعه احتیاجی اولمیدیغی گوسسترمدن عبارت ایدی .

برده گریدلر اول زمان کیوملی Κυβέλη * ارمیس Ερμής * آریس Αρης * میثرا Μίθρας * آوروپی Ευρώπη * قادموس Κάδμος * ذی اوغنی طوس Διόγνητος * آرتمیس Αρτεμις * و سارنه نك الوهیتنه اینانمقده ایدیلر .



ازمئه قدیمده گریدده بر جوق مشهور ذوات دخی تولد ایلشدر . بونلرک الک صاحب اشتهارلری ابراقلیذیس Ηρακλείδης * مسومیدیس Μεσομίδης * مسون Ρίανος * پتهیلذیس Πετελίδης * ثالیس Θάλης * آنی ذی موس Μέσων * Αἰνησίδημος * و سارنه ایدی . فقط هبسندن مشهور اپی مهنی ذیس Ἐπιμενίδης * اولوب بوذات حکمسان و الک بنسام شعرادن ایدی . آنجیق بونک اینجون دخی خرافاتدن اولمق اوزره پک غریب شیلر نقل و حکایه اولنمقدهدر . مثلاً روایت

اؤلنورکه : هنوز گنج ایکن برکون بر مغاره یه گروب اوراده اوبومشدر . اقربا و احباصی کندوسی غائب ایتدکلرندن بر خیلی تحریاته تشبث ایتشلر ایتسه ده تحریات واقعه ثمره سز قالمشدر . اپی مهنی دیس بومغاره ده پک درین اویقویه دالوب اورداده لایق قطع الی آلتش سنه قدر اویومش ایش .

مؤخرأ اویانسی اوزرینه بر کجه قدر اویومش اۆلدیغنی ظن ایله مغاره دن جیقوب مملکتی اۆلان قوسوس بلده سنه عزیمت ایتشدر . اورایه وصولده مملکتک احوالی دگمش اۆلدیغنی و اقربا و متعلقانندن بر خیلیسی وفات ایدوب اویومزدن اۆل طانیدیغنی گنجلرک دخی پک زیاده مسن و اختیار اۆلدقلمی و اهالی مملکتک کندوسنه نظر حیرتله باقدقلمی و یاننده بولغش اولان مسکوکاتی مبیاعه ایتک ایتدیگی شیلره مقابل ویردیگنده یا علر طرفدن قبول اولغیوب تداوله بولان مسکوکاتدن اۆلدیغنی کورنجه حیرتی برقات ده ارتق نه گبی بر حاله دوچار اۆلدیغنی بردن بره آکلایه مامشدر . نهایت کندوسندن سؤال ایدنلره وقوع حالی نقل و حکایه ایتسی اوزرینه هرکس بو حالی بر صنع معنوی به عطف ایله اپی مهنی ذی به فوق العاده حرمت و رعایت ایتجه باشلامش و کندوسی دخی بوندن بالاستفاده پک زیاده نفوذ و شهرت قزانشدر .



بالاده بیان اولنان قوانین و نظامات و مینوس طرفدن وضع و تأسیس اۆلغش اۆلان اصول اداره کافل سعادتحوال اهالی اۆلدیغنی حالده گریدیلرک مقتضای جبلتی اۆله رز اغتشاش احواله میللری حسبیله کافه سی مینوسک اداره سنه تابع اولیوب بر مقدرای استقلال ادعا سنده بولغشدر .

بو قبیلدن اولق اوزره جزیره نك جهت غربیه سنده کان اۆلوب کیدونیا اسمیه معروف اۆلان بلده جسمیه ایله توابعی و جزیره نك دیگر بعض جهت لری اصول و عادات قدیمه لرینی محافظه ده اصرار ایله مینوسک دائرة حکومتدن خارج قالمشدر . اۆل زمان تجارت بحریه ایله مالوف بولسانلر قورصانلق دخی ایتکده بولغش

وَ اشبو قورصانلق بلیه سی بحر سفیده حکمفرما اوله رق ، باخصوص گریده یقین بولنان دیگر آطه لره مستولی و بویوزدن گرید دگزله سواخلنده امنیت منسلب اولمش اولمسیله جزیره نی بؤ بلیه دن محافظه و تخلص اتمک مقصدیله مینوس برخیلی مراکب بحریه تدارک و استحضار ایدرک بوسایه ده مذکور آطه لری قورصانلقدن قورتارمش و بو مناسبتله آطه لر دن بعضیسنی دخی تحت حکم و اداره سنه آلمشدر .

مینوسک زماننده گریدلیر طرفدن برخیلی مستعمرات دخی تشکیل قلمشدر . اهالی جزیره نک برخیلیسی دیلوس ، آندروس ، ناقسوس ، آمورغوس ، اسکیروس آطه لری ایله دیگر برجوق برلره هجرتله اوراده توطن اتمش اولدقلری گبی ، برجوق برلرده خبیلی شهر و قصبه لر دخی بنا و تاسیس اتمشلردر .



مع مافیه مینوس زماننه عائد وقوعاته متعلق برطاقم خرافات دخی وارددر : مثلاً جزیره ده کان (تیتیروس Tituros) طاغی اوزرنده اول زمان (ذی قتی نهوون) Δικτύωνιον نامیه بر معبد موجود بولمش اولدینی مرویدر . معبد مذکورک سبب انشاسی خرافات دن اولق اوزره نقل اولسورکه : مینوس ، الوهینه اینا لئقده بولمش اولان وریسومارتیه Βριτόμαρτις علاقه ایدوب بونی طوتمغه تشبث ایتدیگی صروده معبوده فراره شتاب ایله طاغله صعودده و اوتده بروده اختفایه مجبور اولمش و مینوس ایسه مومی الیایی طقوز ماه قدر طاغدن طاغه تعقیب ایله اخذ و گرفت اتمگه رمق قالمش ایکن ، مومی الیا بر قیادن کندوسنی دگره آتمشدر . حالوکه دوشدیگی نقطه ده اولجه بالقجیلر طرفدن آغلر وضع اولمش اولمسندن طولایی طوثلش ایکن تخلص اتمش اولدقلرندن آغلرک روحه سی اولان ذی قتی یا δίκτυα اسمنه نسبتله مزبوریه ذی قتی نی Δικτύνη و نامنه بنا اولنان معبد ده دخی ذی قتی نهوون Δικτύωνιον اسمی ویرلمشدر .

کذلک مینوسه متعلق خرافات دن اولق اوزره روایت ایدیلورکه : بالاده « مغارله ولابرینت » عنسوانی آلتنده یازیلان ۸ نجی فقرده بیسان اولسدینی وجه اوزره

مینوسك زوجته‌ی پاسیفای Πασιφάη برثوره علاقه ایدوب آنكله واقع اولان مقارنتدن مینو طاوروس Μινώταυρος اسمی آلمش اولان عجیب الخلقه برحیوان تولد ایتش و بو حیوانك بلندن یوقاروسی انسان و آشایسی اوکوز صورتنده بولمیش ایدی. مینوس بووقعه‌دن حدتله‌رك حیوان مذکوری حبس ایتك اوزره برلابرنت یاغمنی اووقت مشهور بولسان مهندس ذه‌ذالوس Δαίδαλος امر ایتمی اوزرینه مهندس مومی الیه یوللری غایت گرفت و ایچندن چیقلمی مستحیل برمقاره انشا ایتش و ذکر اولنان حیوان اوراده حبس و توقیف ایدلمشدر.

وقعه مشروحه‌دن برمدت صکره مینوسك اوغلی آندرویهوس Ἀνδρόγεως آتیه کیدوب اوراده بولندینی صرمده اعدام ایدلیگندن مینوس اخذنار مقصدیله آتیلر ایله محاربه ایتش و نتیجه محاربه‌ده غلبه قزانش اولسی اوزرینه برمنوال مشروح لابرنت ایچنده حبس و توقیف اولمش اولان غرب الخلقه حیوان طرفندن اکل اولمق اوزره هر سنه کربده یدی اوغلان ویدی قز کوندرمگ آتیلیری مجبور ایلشدر.

برسنه آتشدن کوندریلانلر میاننده شجاعته شهرت قزانش اولان ائی‌سفس (ئی‌سفس) Θησέως دخی بولوب، حیوان مذکوری قتل ایله مملکتی بوورکودن تخلص ایلگه قرار ویرمش ایسده لابرنتك ایچه گیردکن صکره اورادن چیقمنی ممکن اولمه‌یه جفنی دوشونه‌رك برحال کشا کشته بولندینی صرمده مینوسك قزلرندن آریاذنی Ἀριάδνη مرقومه دلداده اولدیغندن، کندوسنی قورتارمق مقصدیله الیه کلیتلو مقدار ایپ ویرمش و بوایک براوجنی لابرنتك اغزینه باغلادقدن صکره یوماغی چوزمه‌رك لابرنته گیرمنی و حیوانی قتل ایتدکن صکره تکرارای صاره‌رق بو صورتله خارجه چیقمنی تعریف ایلشدر. تی‌سفس مزبورنه‌ك واقع اولان وصایاسنه توفیق حرکت ایدرك لابرنته گیرمش و مینو طاوروسی قتل ایتدکن - صکره ایپك دلالتیله خارجه چیقمنش و آریاذنی برابرینه آلوب فرار ایتشدر.

برمدت مرورنده اسمی آنفاً بیان اولنان مهندس ذه‌ذالوسك پاسیفایك ثورایله اختلاطی تسهیل ایتش اولدیغنی مینوس اکلالمش اولدیغندن مهندس مرقومی

اخذ و گرفت ایله مجازاته دوچار ایدیرمک اوزره تعقیب ایتش ایسهده کندوسی
مینوسک بۇ تصویرنی قبل الاجرا خبر آلهرق کریدن فرار ایله سچلیایه عزیت
ایتمش واورانک قرالی قوقالوس Κόκκαλος طرفدن حسن قبول ایدلمشدر .

ذهالوسک تسلیمی حقدمه مینوس طرفدن واقع اولان تکیلی سچلیا قرالی
رد ایتش اولدینی جهله مینوس مقدار کافی قوه بره و بحریه آلوب سچلیا علیه
محاربه قیام ایتش و فقط اوراده بولدینی اناده وفات ایلشدر .

مینوسک وقوع وفاتی جزیره جه معلوم اولنجه عموم اهالی به پک زیاده تأثیر
ایتمش و محاربه نك دوامنه قرار ویرلسی اوزرینه بر خبی کریدیلر سچلیایه عزیت
ایتمشدر . اوراده کائن اقامیقوا نام قصبه کریدیلر طرفدن تحت محاصره آلهرق
محاصره بش سنه دوام ایتدیگی حالده قصبه مذکوره قح و ضبط اولنمدیغندن .
کریدیلر ، گرك اشبو محاصره دن و گرك عموم سچلیا محاربه سندن فراغته
مملکتلرینه عودت ایتک اوزره کیلرینه بنوب بوله چیقمشدر . انای سیاحته
ایبیترا سواحله پک شدتی بر فورطنیه طوتیلوب کیلری شکست اولمش ایسهده
کندولری قورتیلوب سالمأ سواحل مذکوره چیقمش و اوراده بر بلده بنا و تاسیس
ایله وطن ایلشدر .

حکایات مذکوره هر نه قدر خرافاتدن عاری دگل ایسهده بوندن اساساً بر ماده
استدلال اولنمیلوب ، اوده مینوسک فی الواقع صاحب قوت و مکنات اولهرق بر خبی
یرلری تحت حکم و اداره سنه المقله برابر ، قوه کافیه بحریه به دخی مالک اولهرق
بؤ واسطه سایه سنده مملک بعیده ایله دخی محاربه به گریشدیگی و جهله نك حرمت
ورعایتنه مظهر اولمش بر آدم اولمقانی در .

فی الحقیقه ازمنه قدیمده سائرلردن اول مینوسک بر قوه بحریه تشکیل ایتش
اولدینی مؤلفین متقدمیندن ثوکیدیدیس Θουκυδίδης دخی تأیید ایله
« Μίνως γάρ παλαιότατος, ὃν ἀκοῇ ἴσμεν, ναυτικὸν ἐκτίσας »

« سماعاً بیلدیکمز الک اسکیلردن اول مینوس قوه بحریه مالک اولمشدر . » دیو
نقل و حکایه ایدیور .

بونگله برابر مینوس طرفدن وضع و تاسیس اولمش اولان قوانین و نظامات ممالك سارمده دخی نمونه امتثال اتخاذ ایدلمش و مشهور لیقورغوس Λυκοῦργος قوانین و نظامات مذکوریه و اصول اداره محلیه اطلاع ایتك مقصدیله صورت مخصوصهده گریده گلوب معلومات مقتضیهنی جمع ایتدكن صكره قوانین مذکوریه تعدیلات خفیفه ایله مملكتی اولان اسپارتی Σπάρτη ده موقع اجراییه وضع ایلشدر .



مینوسك وفاتندن صكره اولادلرندن ذهفقالیون Δευκαλίων مقام حكومهت كچمش ایسهده بونك نفوذ و اقتداری پدرینك نفوذ و اقتداری نسبتنده اولمادیغندن، اداره محلیه خلیل كمش و برمدت قلیله مرورنده جزیرهده بولسان بلاد متعددك اكتریسی ادعای استقلاله قیام ایلشدر .

ذهفقالیون صكره بونك برادری قاترهفس Κατρεῦς موقع اقتداره كچمشدر . بونك زماننده اداره محلیه بتون بتون دوچار خلیل اولهرق ، جزیرهك جهت غربیهسی ایله اورتهسنده بولسان بلاد ، مرقومك حكومهته تابع اولوب جهات سارمسی سكهنسی ایسه علیهنده بولمشلردر .

مرقومك وفاتندن صكره ینه مینوسك تعلقاتندن ایندومنهفس Ἰδομενεὺς موقع حكومهت كچمشدر . اوانساده، یعنی میلاد عیسان تخمیناً بیك بوز یمش سنه اول كذلك خرافات ایله مالامال اولان وقعه آتییه ساحه ظهوره كمشدر . شویلهكه :

یونی تر ، اسپارتی قرالی بولسان تیززاریوس Τυνδαρεὺς ك زوجہسی لیندا Λήδα یی سودیگندن برگون قوغوقوشی صورته تمثیل ایدرك بر قارتال طرفندن تعقیبه دوچار اولدیغی صروده بر نهرده استحمام ایتكده بولمش اولان مذبورہ قرالچهك قوجاغنه التجا ایتمشدر . بویولده واقع اولان مقارنتدن طقوز ماه صكره مومی ایها ایکی بمورطه طوغورمش اولوب اشبویکی بمورطه دن بریسی یونی تر ایله واقع اولان و دیگری قوجہسی ایله وقوع بولان مقارنتندن حاصل اولمشدر .

یونانی نام ایلله وقوع بولان اختلاطدن متحصل بمورطه آجیلوب ایچندن پولیدنگی
Πολυδούκης نام ذات ایلله برابر الهنی Ελένη نامنده برقر خیمه مشدر بوقر
اول قدر کوزل ایدی که ، ازدواجنه درحال هر طرفدن متعدد طالبلر ظهور
ایتمشدر. پدري عد اولنان اسپارتي قرالی زوجنی انتخاب ایتک صلاحیتنی قزه ترك
واحواله ایتسی اوزر ینسه قز مهنه لاؤس Μενέλαος ی انتخاب ایلله آنکله ازدواج
ایتمش و مومی الیه مؤخرآ اسپارتي قرالی اقلمشدر .

برمدت صکره مرقوم مهنه لاؤس لمصلحه مملکتدن غیوبت ایتمش اولوب
اوصرده تروآس Τρωάς قرالک اوغلی یاریس Πάρις اسپارتي به عزیمت ایتمش
و اراده بولندیفی اشاده الهنی ایلله سويشهرک رضا سیله کندوسنی آلوب مملکتنه
کتورمشدر .

زوجی مهنه لاؤس بووقعدن خبردار اولنجه تروآس علیهنه محاربه به قیام ایلله
هرطرفدن استمداد ایتمشدر . ممالک مختلفه دن مهنه لاؤسه امداد ویرلدیگی مثللو
گریدن دخی مرقوم ایدومهنه فس سکسان یاره گمی و مقدار کافی عسکر ایلله معا
وته شتاب ایلمشدر .

تروآس سفری تام اونسته دوام ایدوب وقوعه گلان محاربات و مزبوریه عاند
تفصیلات شاعر شهر اومیروس طرفدن نظم و حکایه ایدلمشدر .

نتیجه حربده مهنه لاؤس غلبه قزانوب زوجهنی تخلص ایلله مملکتنه عودت
ایلدیگی گبی، ایدومهنه فس دخی جزیره به عودتله برمدت صکره وفات ایتمشدر .

شوقدرکه مرقومک مدت مدیده محاربه سالفه ایلله اوغراشوب جزیره نك
ایشلرنی یوز اوسته براقی پک چوق قاریشقلقلری موجب اوله رق برمنسوال
محور ادعای استقلاله قیام ایدن برچوق بلاد اهالیسی بوفرصدن بالاستفاده اعلان
استقلال ایتمش و دیگر برچوق بلاد دخی بومثله امتثال ایلمشدر . نهایت ایشلر اوایلله
برحال وارمشدرکه، ایدومهنه فسك یرینه کچمش اولان آنه آرخوس Αἰεάρχος
آنحوق اقسوس Ἀῖσος نام بلده ده اجرای حکومت ایده یلمشدر .

آته آرخوساك و فائيله برابر حكمدارلق لغو اولسه رق آرتق هر بلده بر نوع مختاريت ديك اولان كندى كندينه اداره اولمقده و اداره سته مقتضى اولان قوانين و نظاماتى وضع ايتكمده ايدى. بلاد مختلفه نك وضع ايتمش اولديغى قوانين و نظاماتك الك مكمملارى غوريتنه بلده جسميه سنك وضع ايتمش اولديغى قوانين و نظامات ايدى. اشبو قوانين و نظامات ميلاد عيسادن يدى بوز اللهى بوقدر سته اول وضع و تاسيس اولمش و بيوك طاشلر اوزر ينه حك اولندن سكره بو طاشلر آجيق بر بنساي جسميك ديوارلرى مقامنه اقامه ايدلمش اولوب قوانين مذ كوره بؤوجهله عمومه اعلان ايدلمشدر .

برنجى بابك «آثار عتيقه» عنوانى تحته اقله رق يازيلان ۲۲ نجى فقره سنده بر تفصيل ذكر و بيان اولديغى وجهله مذ كور يازيلى طاشلر بوندن بر قاچ سته اول كشف اولوب اوزر لرندە محكوك اولان عباراتك معناسى خل اولدقده فى الواقع قوانين مذ كوره احكامى ايدوكى تحقق ايتمشدر .

مع مافيه بلاد مختلفه نك مختاريت اداره يه مالك اولمى ينه قاريشقلىك اوگنى آله ماه مشدر . بلاد مذ كوره نك الك جسميه و همملرى يئنده بعضاً اتفاق عقد اوله رق معاهدات دخى تعاطى ايدلمكده بولمش ايديسده اختلاف منافع و تولد اعتراض الجا آتيله برابر معاهدات منعقدە احكامنه دخى عدم رعايت بلاد مذ كوره يئنده برخيلى مناقشاتى استلزام ايتكمده و مناقشات واقعه محارباتى استاج ايتكمده و ايكنجى و اوچنجى درجه ده بولنان بلاد دخى بلاد جسميه نك اثرينه اتبعاع ايتكمده بولمش ايدى .

بالاده بيان اولنديغى وجهله بلاد مذ كوره نك الك جسميلرى كيدونيا Kudaonia و غوريتنه Γόρτυνα و قنوسوس Κνωσός بلده لرى ايدى . بولردن هر برى ديگر لرينه غلبه ايله اداره مملكتى كندوسنه حصر ايتكمه چاشمقده بولمش اولمسيه بلاد مذ كوره يئنده محاربات اكسك اوليوب بونك الجا آتندن اوله رق ايكنجى

واو چنجی در جهده بولنان بلاد سائرہ دخی مذکور اوج بلده نك كاه برينسه و كاه ديگرينسه التحاق ايتمگه مجبور ايديلر .

بر مدت كيدونيا بلده سي و توابعي اهالي سي عقد اتفاق ايتمش اولان غورتي نه و قوسوس اهالي سي بلده ايدرك بونلرك اوزرينسه غلبه قزائمش اولدقلرندن كيدونيا خلقي عموم جزيره ده اجراي نفوذ ايتمشدر . مؤخرآ غورتي نه و قوسوس بلده لري يكدیگرندن آريله رق يئلرينه نفاق دوشمسي اوزرينه ايكيده برده شؤ ايكي بلده آره سنده محاربات وقوع بولمده ایدی . اق ائاده كيدونيا بلده سي ذكر اولنان ديگر ايكي بلده جسيمه دن قغي سنه التحاق ايدر ايسه اق بلده غلبه چالوب بلاد سائر مه حاكم اولمده ایدی . بر زمان كيدونيا اهالي سي آبولونيا 'Απολωνία اسميله معروف اولان ديگر بر بلده اهالي سيبله عقد اتفاق ايدرك اق بابده يئلر نده بر معاهده دخی تعاطي ايدلمش اولدي ني حالده بر مدت صكره كيدونيا اهالي سي بقتة مذکور آبولونيا بلده سنه هجوم ايله ازككلري اعدام و قادي نلري سي و اغتنام و اموال و املاكي غضب و غارت ه اهتمام ايتدك دن صكره بلده يي احراق ايله محو و كنم ايتمشدر .

بو وقعه نك تفصيلاتي مؤلفين متقدميندن پوليوپوس و ذيوذوروس طرفدن نقل و حكايه اولمشدر .

مؤخرآ نفوذ و اقتدار غورتي نه بلده سنه انتقال ايتمشدر . بلده مذکور ديوار ايله محاط اولوب بك مستحکم بر نقطه اولقله برابر ، معابد و ابناء سائر جسيمه سي حسيبله شهرت كسب ايتمش ایدی .

بر مدت بلده مذکور قوسوس بلده سيبله بالاتفاق شؤايكي بلده عموم جزيره ده اجراي حكومت ايتمش ايسه ده مؤخرآ آرالري بوزلمش اولمسندن طولاني اسكي شورش حال عودت و دوام ايتمشدر ،

مذکور اوج جسيم بلده نك نفوذی كاملاً كسر اولسدق دن صكره ليقتوس جزيره سي برنجي در جهده نفوذ قزائمشدر . فقط بلده مذکور دخی عموم جزيره يي اداره ايدمديگندن ، بلاد مختلفه يئننده هروقت اختلافات و مناقشات

و محاربات ظهور ایتمه ایدی . ذکر اولنان اختلافات و مناقشات نمونه اقلق اوزره ینه اسمی بالاده سبق ایدن پولیو و یوس نام مورخک نقل ایتدیگی دیگر بروقه دخی شایان تذکاردر . شویله که : لیتوتس بلده سی اهالیسی دیگر بعض بلاد اهالیسیله بالاتفاق مذکور لیتوتس بلده سنه هجوم ایله اچینده بولنان قادیساری و چوچقلری اسیر طوته رق قوسوس بلده سنه اعزام ایتدکن صکره لیتوتس بلده سی بالاحراق محو و نابید ایتملردر .

یکدیگرینی لاینقطع ولی ایدن بؤ مثللو مناقشات ائساندن بلاد موجوده دن برخیلیسی محو اولمش اولدینی گئی؛ دیگر بر جوغی دخی پک شدتلی برزلزه ائسانده خراب اولمش و بر مدت قحط و غلا دخی جزیره نی استیلا ایتمش اولدیغدن، اهالی جزیره نك بر قسم کلیسی شو آفات ائسانده تلف اوله رق، دیگر بر قسمی دخی اوتیه برویه هجرته مجبور اولمش و جزیره ده قانلرک سفالتی دخی کیتدکجه کسب توسع ایتمه ایدی .

(مابعدی نسخه نایه ده)

شورای دولت ملکیه دائره سی اعضا سندن

آندریا قوپاسی

